

1619





Handwritten mark, possibly a signature or initials, in blue ink.



DI·VSTRISSIMO·PRINCIPI
CAROLO·MEDICI
S·R·E·CARDINALI
MAGNI·DVCIS·ETRVRIÆ
FRATRI

Cælestium Orbium Armoniam
Dicat

HILARIVS·FRVMENTIVS
NOVOCOMENSIS·A·PARTY

Dum Theses ex Vniuersa

Philosophia eidem Card

Inscriptas publice defendit

In Aula Collegij Romani

Societatis Iesu.

NIHIL

EXTRA


Superiorum

licentia

ROMÆ · Apud Iacobum Mascardum · M·DC·XVII.



ILLVSTRISSIMO PRINCIPI
CAROLO MEDICI
S. R. E. CARDINALI
AMPLISSIMO.


HILARIVS FRUMENTIVS NOVOCOMENSIS
Acad. Parib. Felicitatem.

ITA est CAROLE PRINCEPS ILLVSTRISSIME Planetæ siderum Principes ad nostram hanc vsque ætatem æstimati septem orbibus coerceri, nouo Mathematicorum inuento deprehensi sunt, sex tantum in orbibus habitare. Nimirum tot Mediceo nomini dati sunt olim orbes, quot ex horum sententia circumferunt planetas. Nec minus ex Vobis, quàm ex hisce sideribus ad omnes publica perpetuò felicitas promanauit. Præiuit omnibus Cosmus cognomento Magnus publica ciuitatis vocem Pater Patriæ nuncupatus. Sequenti Laurentius, & Iulianus, ille litteratorum Mæcenæ, hic Princeps iuuentutis Populi suffragio dictus, vterque nobile fratrum par, parensq. Pontificum LEONIS, & CLEMENTIS. Cum his suas egit partes alter Laurentius Vrbiniatus principatus possessione: suas Alexander, qui Ducis Florentiæ nomen. Primus retulit; quod nomen magnum Hetruriæ Cosmus fecit, armorum tractatione, excitatione urbium, administratione prouinciarum. Francisco demum superis, hominibusq. gratissimo successit Ferdinandus, & huic COSMVS

A

fra-

frater tuus, in quo quantum populorum amor, ac studium
in Principem; quantum huius in illos beneuolentia, & cu-
ra certatim possint, nos admiramur quidem praesentes, po-
steri inter exempla optimorum Principum reponent. Equi-
dem hoc ego loco ad Ferdinandum parentem tuum prouo-
carem, cuius in regendo prudentiam suspexit haec aetas,
despicere potentiam hostes non potuerunt: Quoties ador-
natis mari triremibus feralis Turcarum Luna, Mediceorum
oppositu orbium defectum pati visa est. Facerem hoc in-
quam, non ingratus, nisi iam ex isto Purpuratae maiestatis
fastigio conferres Te ad Mediceos Cardinales plurimos,
Mediceosq. Pontifices omnino quatuor. Quamquam non
in vitima familia Vestrae parte collocandum est: quod se se
quoque Gallia Mediceis addiderit orbibus, suaq. his lilia
melioris ope fortunae consueuerit, quae postea vtraque Gal-
liarum Regina CATHERINA, & MARIA suis
abunde virtutibus aluerunt. Deberent haec quidem omnia
Paulum Iouium praekonem habere, dignum olim habitum,
qui tergeminis Mediceos orbes acciperet: Sed in huius de-
siderio debui ego non tam praeco, quam admirator illi suc-
cedere, cui si consanguinitate coniunctus sum, ab eodem
in hac laudatione perfoluenda disiungi non poteram. At-
que hoc trimulae huiusce meae Philosophiae Te cum hoc
positionum manipulo aduentis, Mediceae gloriae vestigali
esto. Vale.

S O L.



CAROLVS Troia column latine

Imperat Phæbo, velut Imperator

Phæbus Astrorum, face, noctilucos

Dirigit ignes.

Astra dum Calo secat in rotatus

Astra, Cali militiam sereni,

Aetheris scintilliuomos Quirites,

Nobile vulgus.

Dumq. cognatos rotat inter axes,

Increpans plætro Cytharam loquaci

CAROLI nomen resonare senos

Erudit orbes.

A 2

Cer-

Cernin vt seni simul eruditi
Dulce coniurent resonanter orbes,
Et datum nomen, modulosq. docto
Murmure reddant?

Phæbe seu chordas relegis fideles,
Seu redordiris numeros, melosque
Dulcis enodas, meditatus inter
Fila loquelam.

Hoc idem seni modulantur orbes,
Seque dum motu feriunt magistro,
CAROLI fastos, decorumq. pompam
Integrat æther.


Integrat, qualem sonitum creari
Calitùs vates famius putauit,
Inter allisos super implicatis
Orbibus orbes. Ergo

Ergo iam senos equitat per orbes
CAROLI nomen, superumq. caris
Scribitur, qua Mediceis perennè
Scribitur astris.

Phæbus hoc Cælo canit, Imperator
Phæbus astrorum, noua machinatus
CAROLO qua Principe MEDICIS co-
gnominet astra.



SATVRNVS.



*OCAROLE Roma te triumphat,
Et te Principe purpura scit ostro,
Concolor Tibi facta concolori.*

*Magna CAROLE Roma Te triumphat,
Orbis delictum, Urbium medulla,
Rerum meta suprema, lex honorum,
Veri dulcis origo, flos decorum,
Regum maxima mater, arx amorum,
Leporum vnica vena, lac Minervæ,
Mel merum latiale, ver Latinum,
Lar Apollineum, Quirini Athenæ;
Magna CAROLE Roma Te triumphat.*

Hac

*Hac septem dominos benigna montes
Subijcit Tibi, queis subacta Tecum
Subijci sibi gratuletur orbem.*

*Fausta concipe septicollis Urbis
Vota CAROLE, namq; frenat omnem
Urbis hac unica septicollis orbem.*

*Tuum CAROLE iunge nomen Vrbi,
Qua cum coniuge continebis orbem.*

*Tuq. Hetruria cor virentis orbis,
Mera MEDICEI medulla mellis
Romulis age montibus marita*

Orbes, quos Tibi Medices maritant.

Hos vbi dabis expedita, septem

Pro seno dabit orbe Roma montes.

Hac Princeps canit omnium Planeta

Satur-

Saturnus , senium micantis athra ,

Et puro fabricata diues auro

CAROLO sua sacra pollicetur .

Io CAROLE Roma Te triumphat ,

Et Te Principe purpurascit ostro ,

Concolor Tibi facta concolori .



I V P P I T E R .



RINCEPS fulminea Iuppiter

alitis

Qui serpētingero Tartara fulmine

Torques, & piccis vsta vaporibus

Monstrorum tērebras claustra tricorporum:

Dic cur non vidues fulmine dexteram,

Quod sub fulminis vnguibus oculis,

Sub veraque regens tela satellite ?

Novi : Medicis parcus ab orbibus

Telies, sauitia parcus & horrida.

Nam non Medicis consonat orbibus

Telum, sauitia fulmen & horrida

-REM

B


Ergo

*Ergo Mediceis curris ab orbibus
Factus Mediceo parcus ab omine.*

*Has has delicias (quod facis) aureo
Diues Mediceo digere CAROLO.*

*Cui iam regnifero te Ioue, te duce,
Currit gemmigeno gratia flumine,
Vibrant belligera robora dextera,
Lucent Romulea lumina Purpure,
Viunt pacifera nomina gloria,
Atque æterniflua secula Hetruria:*

*Audi: Terrigenum qui iuuat omnia
Venit Mediceo Iuppiter omine.*




Ergo

2

MER-

MERCVRIVS.



ON Mercurij lyra delirat,
Ubi nubifidas induit alas,
Et Mediceis occinit astris.

Huic ergo compescite vestros

Compita lusus, pulpita saltus,

Tundite motas, Nablia palmas,

Sistite molles barbata nervos,

(ymbala pulsus, sistra tumultus,

Et reboantes timpana flictus,

Irrequieti verberis ictus.

Supprime gracilem liticem lituum,

Preme Tibicen stridule tubulum,

Parce iocosis fidicen fidibus.

Non Mercurij lyra delirat,

Vbi nubifidas induit alas,

Et Mediceis occinit astris.

Olli sileant bifores calami,

Et multiforo fistula crure,

Nexa iugali buccina cornu;

Aera canoro pradita rostri.

Iunctaq. docili tibia buxo,

Quod & occultas dum citat auras

Sonat arcânis organon auris.

Nulla sonoro tinnula pulsus

Tinniat auris. Nulla Choraule

Digito findat fila fideli.

Ne dum nervos ciet enervues,

Carpeim

Carptim exonerat; cursim explorat,

Mouet argutos, mordet acutos,

Improuisus murmura verset.

Ergo susurros ponite syluæ,

Carmina Vates, murmura lymphæ,

Sibila venti, cantica Nymphæ.

Neque quæ voces vulnerat Echo,

Et mutilato demetit ore,

Obtruncato consonet ore.

Procul Aulædi, procul aureola

Aganippidos Aula Syren,

Nulla canentum nymphea sororum

Alternet discrimina metri.

Satis est Vni lyra Mercurio,

Satis & nobis Chelis Athlantidis,

Cum Medicis succinit Astris

Peramabilis, audis? accentum

Divino submurmurat ore

Carminis argumenta futuri

IAM PLAVS CAELVM STETIT
IMPAR.



L V N A.



VAE noctis in meridiem,

Cali per arua, pollice

Mihi meto papauera:

Hac illigata cyclade,

Et fratre plena diuite,

Ago choreas astricas.

Uni superba Principi

Ago choreas CAROLO.

Hoc ludibunda gratulor.

Mihi Tibiq. CAROLE.

Tuos quod orbes inferens

Solem inter atque Thraciam

Lunam,

Lunam, repente repperi
Factam minorem Thraciam.

Et sic gemellis cornibus

It multicornis Thracia

Depone tandem Thraciam

Feralis ora Iuppiter

Immane pondus imperii

Et tandem ab orbe Medicis

Perdisce defectum pati

Depone pondus imperii

Quod soli utrique diditum

Cervicis est Atlantica

Tuaq. Lunae à Medice

Demessa morde cornua

Hac noctis in meridie

Uni

Vni superba CAROLO

Cali per orbes occino,

Et fratre plena diuise

Mihi lego papauera.



C

MARS

M A R S.



MARS coniugatis lora leonibus

Inserit, quibus alto

Rasile radat iter.

Non qualis rigida senior agide,

Deplorata tricuspide

Regna quasat Acinace,

Hastaq. Crispiculca

Vulnerat urbes,

Difficiles cum sanguine currus,

Fixa & visceribus tardior ungula

Carpere prohibet frena leones.

Ense sed qualis volat innocente,

Cum

*Cum sol vigilum pater horarum,
Orbiumq. sonantium,
Seminumq. virentium,
Astrorumq. comantium
Ad superæ comitia lucis
Con sanguineos conuocat ignes.
Tunc Mars, & clari siderea
Consules Aulæ, Iubaris minoris
Acclinant certatim rutilos
Sub radioso Casare fasces.*

*Hoc ergo Martis fulgur amabile:
Cui pellucida pendet
De purpureis instita filis.
Sonat aurata lince pharetra,
Rubet & Tyrio tegmine Thorax.*

Fibulaq. alto nexilis auro
Pallam angustat Iaspide.
Imbelli libet ense detonare;
Quibus est partum Martis abunde;
Vnde recurrat laudis abunde,
Quam sibi Magni peperere Cosmi,
Queis Alexandri decus addidere,
Et Iuliani nomen & Laurentij
Contulere Ferdinandi.

Succedit unus omnibus
Iam COSMVS instar omnium.
Datumq. nomen posteris
Celi per orbis Medicis
Aureis quadrigis transuehit
Te nosse gaude Gallia

Quæ

Quæ de Mediceo semine gloria

Nunquam effæta repullules .

Viden? Te CATHERINA, Te MARIA

Magna Medicei germina nomin

Utraque gaudet .

Hæc una Mars canebat ,

Apollinem putassem

Si Clypeo caruisset & hasta .

Plura ac Venus pararet ,

Nisi maioris lucis auara

Se Phœbeum ferret in orbem

In Phœbeum se tulit orbem

Vt ex rotatis orbibus

Senos linqueret orbes ,

Et Mediceos diceret orbes .

Sic

Sic & Mediceo fors bona ab omine
Gallicana liliæa
Inter Mediceos conferit orbes.

L A V S D E O.



*Imprimatur, si videbitur Reuerendiss. P. Mag.
Sac. Palatij Apost.*

Czł̃sław Fidelis Vicesgerens.

Imprimatur.
Fr. Gregorius Donatus Romanus, Magister, &
Reuerendiss. P. Fr. Hyacinthi Petronij Rom. Sa-
cri Palatij Apost. Magistri Socius Ord. Przd.





*Iouiam Frumentiamq; Familias sanguine coniunctas
 Illam Mediceo Nomini iam pridem deuinctā
 Hanc recenter addictam*

Minori pompa. non minori obseruantia dicat

CAROLO MEDICI S.R.E. CARD.
 HILARIUS FRUMENTIVS
 NOVOCOMENSIS.



